

մահարձան ի գրքատուն սբ Յակոբայ վանուց յերուսաղէմ ի յիշատակ գրավաճառ մարգարի, որ հանգեաւ ի Տէր 1847 սեպ. 2 Պօլիս»։ Շեղագրով՝ «Այս մատենիս հեղինակն է Երեմիայ չէլէպին, որդի տէր Մարտիրոս քահանային. տես յերես 542. պատմող բանիս Ղեւոնդ վրդպ յուխտէն Վարադայ. 1872 ապր. 2, ի Կ. Պօլիս»։ Թղ. 2բ. Երեմիա Չէլէպի իր ձեռքով գրած է գիրքին անունը «Ժամանակայգիր եւ Պատմութիւն»։ Թղ. 2բ. օտար գրչէ. «յամի տուն Ռձի տճից Վ. Ծ ին մայրաքաղաքիս թգրն էր սուլթան իպրահիմն»։ Թղ. 281ա. ձեռագիր Ղեւոնդ վրդ. Փիրղալէմեանի. «Ռձի. 1658 նոյեմբեր 3 մհնի Ամպակում բարեպաշտ հոգեւոր դաստիարակն Երեմիա Չէլէպույն վախճանի»։ Թղ. 353բ. նոյն ձեռ. «հեղինակ օրագրութեանս է Երեմիա Չէլէպի որդի տէր Մարտիրոս քահանայի, տես յերես 542 եւ 544»։ Դասարկ՝ թղ. 1, 7բ, 8ա, 9բ, 19ա, 22բ, 23բ, 29ա-30բ, 62բ, 104, 128, 141բ, 152բ, 154ա, 194բ, 206բ, 239, 240, 281բ, 342բ, 348բ, 371բ, 372ա։

Օրագրութիւնս կը սկսի ՌՂԷ = 1648 տարուան Յուլիս 11ին ու կ'աւարտի ՌձԺԱ. = 1662 նոյեմբերին։ Այս տարիներու կարգէն դուրս կը մնայ Ռձ = 1651 տարին, որմէ ոչինչ չէ արձանագրած։

* * *

Աւելորդ կրկնութենէ խուսափելու համար զանց կ'ընենք տալ Օրագրութեանս ամփոփումը։ Ուշագիր ընթերցողը պիտի գտնէ հոն շատ մը հետաքրքրական տեղեկութիւններ 1648-1662 տարիներուն տեղի ունեցած ազգային-եկեղեցական անցուղարձերու մասին։ Ատոնց մէջ ուշագրաւ ու կարեւոր են Ս. Էջմիածնի Փիլիպպոս և Սիսի Թորոս կաթողիկոսներու Կ. Պօլիս այցելութիւնը, Վերջինիս մահը և յուզարկա-